


CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
AUG 11 1936

T 9100.0122





說部目錄

第五十九

漢官儀 應劭

獻帝春秋

玄晏春秋 皇甫謐

九州春秋 司馬彪

帝王世紀 皇甫謐

魏晉世語 郭頒

東宮舊事 張儉

元嘉起居注

大業拾遺錄 杜寶

建康宮殿簿 張著

山公故事 山濤

八王故事

陸機要覽 陸機

桓譚新論 桓譚

譙周汰訓 譙周

裴啟語林 裴啟

虞喜志林 虞喜

魏臺訪議 王肅

魏春秋 孫盛

齊春秋 吳均

晉陽秋 庾翼

續晉陽秋 檀道鸞

晉中興書 何法盛

宋拾遺錄 謝綽

會稽典錄 虞預

三國典畧 魚豢

建康實錄

三輔決錄 趙岐

鄴中記 陸翹

吳錄 張勃

漢官儀

漢 應劭

哈佛大學漢和
圖書館珍藏印

獬豸獸性觸不直故執憲者以其角形為冠

侍御史周官也為柱下史冠法冠一曰柱後以鐵為

柱

正月旦天子御德陽殿臨軒公卿大夫百官各陪位

朝賀蠻貊 于朝貢必見屬郡封吏皆陸覲

孝武時天子以下未有幘元帝頗上有壯髮不欲使

人見乃始進幘群僚隨焉

海官傳
省中皆粉塗壁畫古烈王

孝武皇帝南平百越北攘并置交阯朔方之州復

徐梁之地改雍曰梁改梁曰益凡十三州所以交朔獨不州明示帝王未必相襲始開地方遂交南方爲子孫基址也

侍中秩千石黃門有畫室署玉堂署各有長一人

尚書郎懷香握蘭趨走丹墀

世祖封禪久有白氣一丈東南極望正直壇所有青氣上與天屬遙望不見北瑞命之符也

謁者着細幘大冠

綬者有所受以別尊卑彰有德也

司空騎吏以下皂袴因秦水德今漢家火德宜着絳袴

虎賁中郎將衣紗縠單衣虎綿袴

尚書令僕丞郎月賜湔縻大墨一枚小墨一枚

天子壇田公卿耕訖齋夫下種凡稱籍田爲千畝亦

曰帝籍亦曰耕籍亦曰東耕亦曰親耕亦曰玉籍

侍中向存年老口鼻帝乃賜以鷄舌香合含之

獻帝春秋

闕名

初黃巾賊起靈帝建九重華蓋自稱無上將軍身被
 介冑謀兵京城先是造作角錢猶五銖而有四道
 于邊輪百姓各有識者以為天微竊言新錢有四道
 京城將壞而此前四出散於四方之外乎遂皆如其
 言

孝靈皇帝何皇后生太子辯帝數失子不敢正名養
 于道人史子眇家號曰史佚

袁紹將兵入宮誅諸黃門張讓等逼迫以尺一詔開
大夏門將帝及陳留王出不知所如

獻帝都許守位而宿衛近侍莫非曹氏黨舊恩戚
議郎趙彥嘗爲帝陳言時策曹操惡而殺之其餘內
外多見誅操後以事入見殿中帝不任其忿因曰君
能相輔則厚不爾幸垂恩相捨操失色俛仰求出舊
儀三公輔兵入廟令虎賁執刃挾之操顧左右汗流
浹背自後不敢復朝請

自誅黃門後侍中侍郎出入禁中機事頗露由是王
允乃奏侍中黃門不得出入不通賓客自此始也

張遼問吳降人曰紫髯將軍長上短下誰也答曰是
孫會稽

揚州刺史劉馥上言荊州牧劉來與會稽太守孫權
謀襲京城遂塹許設鹿角砦

董卓未誅有書三尺布幡上作兩口相銜之字負之
於道歌曰布平及呂布殺董卓負布者不復見

越騎校尉汝南伍孚忿董卓無道欲身自殺之挾佩
刀詣卓孚語畢辟出卓至閣執手孚引刀刺卓卓多

力却不中即殺乎

張遼問吳降人曰向有紫髯將軍長上短下大便馬善射是誰降人答曰是孫會稽也

玄晏春秋

晉 皇甫謐

衛倫以郎應會于京師過予而論及於味倫稱魏故侍中劉子勣食餅知鹽生精味之至也予曰昔師曠識勞薪易牙別淄澠子揚之妙抑末乎倫曰晉師曠易牙古之精也魏之子揚今之妙子何間焉

衛倫過予論及於時味倫因命僕取糗進子曰麥也
有杏李柰珠

十七年子長七尺四寸未通史書與從姑子梁柳等

或編荆爲楯執杖爲矛分陳相刺有若習兵母數譴
子子出得瓜果歸以進母母投諸地曰孝經稱日用
三牲之善猶爲不孝何孝者莫大于欣親今爾年近
乎三十志不存教心不入道曾無怵惕少慰我心脩
身篤學爾自得之于我可有因對予流涕予心少感
遂伏史書

余家素貧窘晝則務作夜則非疲寐及二時之務書
卷生塵篋不解緘唯季冬裁得一旬學或兼夜寐或
戲獨否或對食忘食或不覺日夕居家遊出之事古
凶畧絕富陽男數以全生之道誨子方之好色號于
爲書帙

九州春秋

晉 司馬彪

臧洪爲青州刺史爲袁紹所圍糧盡厨有米三斗主簿啟白欲以爲薄粥洪嘆曰吾獨食此何味命爲薄粥與衆共歎之

靈帝賣官廷尉崔烈入錢五百萬以買司徒烈子均字孔平亦有時名烈問曰吾作公天下人謂何如對曰大人少有高名不謂不當爲公今登其位海內嫌其銅臭烈舉杖擊之均走烈曰子授父搥而是可謂

九州春秋
孝乎均曰舜之事父小杖則受大杖而走不陷父於
不義烈曰爾以吾爲瞽瞍耶

夏侯淵爲黃忠所殺操臨漢中至陽平欲攻劉玄德
而不得進欲守又難爲功乃出令曰鷄肋官屬不聽
所謂楊修便自嚴裝人驚問修何以知之修曰何以
知之修曰鷄肋棄之可惜食之無所得以比漢中知
公欲還也俄操廻師時人伏其幾決

建安六年劉表攻西鄂西鄂長杜子緒帥縣男女嬰
城而守時南陽功曹栢孝長亦在城中聞兵攻聲恐

懼入室閉戶牽被覆頭相攻

半日稍敢出面其明側

立而聽二日往出戶問安息

至四五日乃更負栢親

聞語子緒曰勇可習也

公孫瓚爲袁紹所圍曰天下

兵起我謂可唾掌而夷

今視孫之兵革方始不如休

兵積穀

臧洪爲青州刺史爲袁紹所

圍糧食已盡初尚掘鼠

煮筋角後無可復食厨有米

三升主簿啓進肉脯以

爲糲粥洪歎曰吾獨食此何

爲命作薄粥與共啜之

也

帝王世記

晉皇甫證

堯時有草莢生庭每月朔日生一莢至月半則所上
五莢至十六日後日落一莢至月晦而盡若月小餘
一莢王者以是占曆唯盛德之君應和氣而生以爲
堯瑞名曰莢莢一名曆莢一名瑞草
堯時厨中自生肉脯薄如髮搖則風生使食物寒而
不臭名曰髮脯

舜彈五絃琴歌南風曰南風之薰兮可以解吾民之

愠兮

黃帝服齊于中官坐于玄扈洛上乃有大鳥雞頭鷲喙龜頸龍形鱗翼魚尾其狀如鶴體信五色三文成字首文曰順德背文曰信義膺文曰仁智不食生虫不履生草或止帝之東園或巢阿閣其飲食也必自歌舞音如簫笙

黃帝遊洛水上見大魚殺五牲以醮天乃甚雨七日七夜魚流始得圖書今河圖是也

皇帝與神農事戰於阪泉之野

炎帝殺蚩尤於中冀名其地曰絕轡之野

湯時大旱殷史曰卜當以人禱湯曰吾所謂日常遂齊戒剪髮斷爪已爲牲禱於桑林之野告於上天已而雨大至

禹葬會稽下不及泉上不通臭既葬收餘壤爲壘

黃帝有熊氏毋曰附寶有蟠氏之女也見大電光繞北斗樞心照郊野感附寶而孕

武王納太公之女曰邑姜修教于内生太子誦

黃帝都於有熊今新鄭是也

太昊包犧氏風姓有景龍之瑞故以龍紀官

魏晉世語

晉 郭頌

劉放孫資共典樞要夏侯獻曹肇

丙不平殿中有

雞棲樹二人相謂此亦久矣其能復

幾指謂中書監

劉放中書令孫資

司馬景王命中書郎虞松作表再三

不可意令松更

定之經時竭思不能改心

書郎鍾會察有

憂色問松松以實對會取芝視為

五字松悅服以

呈景王景王曰不當爾耶松已鍾人

也王曰如此可

大用真王佐才也

日躍鱗龍鳳池

揮翰紫宸裏

杜夷字允濟為儒林參酒皇太子

三至夷舍執經

問

刁協遷尚書令詔曰尚書令協

高亮才鑒博

朕甚喜之

范甯字武子少好學多所通覽

書郎專掌四

居職多所獻替有益政道

孔演字子舒晉國建興庾亮俱補中

書侍郎子特

典學建康事草創演經學博通又練舊典明儀軌

多取正焉由是元明二年帝親愛之

劉超字世踰遷中書舍人持臺省劾建內外多事超

出納書命以忠慎稱理身清苦衣不重帛

徐邈字景山以儒素坐好學尤善經傳烈宗始覽

籍招延禮學之士後將軍謝安舉邈應選補中書舍

人專在西省撰正五經音訓學者宗之每預顧問輒

有獻替多所補益烈宗甚愛之

孫盛字安國為秘書監加給事中篤尚好學自少至

長常手不釋卷既居史官乃著三國陽秋

郭璞太興元年奏南郊賦中宗嘉其才以為著作佐

郎

殷浩北伐江適為長史適取數百雞以長繩連脚皆

繫火一時駢放飛過塹集于羌管火皆燃

東宮舊事

晉 張敞

皇太子初拜有旄幢一又曰皇太子鹵簿有黃麾

皇太子初拜有石山安車一建九旗青色四馬又曰

皇太子大小會庭設三廂樂舞六佾

皇太子納妃有漆龍頭支髻枕一銀花環鈕自副又

曰皇太子納妃有金塗連盤鴨燈一

太子納妃有絳地文履一量又曰皇太子納妃有漆

花籠二具

皇太子納妃織成袞帶白玉珮

皇太子納妃四望車羽葆前後部鼓吹各一部又日步搖一具九鈿函盛之

太子有銅駝頭燈銅倚燈納妃有金塗四尺長燈銀塗二尺連盤燈

太子納妃有白縠白紗白絹衫並紫結纓

皇太子納妃有絳紗複裙絳碧結綾複裙丹碧紗紋雙裙紫碧紗文雙裙紫碧紗文繡纓雙裙紫碧紗纓雙裙丹碧杯文羅裙

皇太子初拜給縹紅紙各一百枚

皇太子初拜給香墨四丸

太子儀飾有玉頭劍

閣內有曲鄣鄣上崔目窓

太子納妃有玳瑁鈿鏤鏡臺一

太子納妃有龍頭金縷交刀四銀牙鎖綵帶副二

皇太子初拜有絳紗單衣

漆四升杯四十漆杯子三百

長槃五漆尺槃三千漆栢炙捍二

東宮舊事 一
漆三十五子方標二杏蓋二枚

白珥五枝

漆筥子一百枚

漆匕五十枚

漆箸一百雙

漆貊炙大函一具

漆注綺織篋一十枚

漆食架二

太子妃有石砧一枚又擣衣砧并十枚

皇太子納妃自着衣大鏡尺八寸銀花小鏡尺二寸

漆匣盛翡翠銅鏡二枚嵌金龍頭受福蓮華鈎鏤四

副

皇太子納妃有綠石綺絹裏牀幃二

太子納妃有青布碧裡梁下幃一糾絹青布窓戶幃

各一

太子納妃有綠杯文綺被一絳具文羅一幅一絳被

羅綉文四五幅被一又有七絳文綺被絳文羅面一

太子納妃有赤花霞文簾

太子有獨坐龍鬚蓆赤皮花經席一領

皇太子納妃有床上屏風十二牒織成漆連銀鉤鈕

織成連地屏風十四牒銅環鉤

皇太子初拜供漆要扇青竹扇各一納妃同心扇二

十單竹扇二十

太子有日毼拂二

太子納妃有漆書銀帶唾

皇太子初拜有銅博山香

恭元中皇太子納妃王

爐

皇太子納妃有綾裏幘屨五具絹裏幘屨五具

皇太子初拜有漆馬齒書籠金裝彩花籠

皇太子納妃有絳直文羅袴七彩杯文錦袴五

皇太子納妃有絳紗複裙絳碧結綾袄裙丹碧紗紋

雙裙紫碧紗紋雙裙紫碧紗紋綉纓雙裙紫碧紗紋

雙裙丹碧杯文雙裙

太子納妃有絳地紋履一雙

皇太子初拜給漆筆四十枚銅博山筆床一副

太子納妃有絳綾袍一領

元嘉起居注

闕名

孝感

盱眙民王彭先丁母艱居喪至孝元嘉之始父又喪
亡彭兄弟二人土工未就鄉人助彭作塼塼事須水
濟值天旱穿井盡方不得水彭號窮無計一旦天霧
霧消之後於塼竈前自然水生

蒐白席

元嘉中劉禎爲御史中丞奏風聞廣州刺史韋朗於

元嘉起居注

州部作菟白席三百二十領請以事追免朗官

嘉蓮

泰始二年八月嘉蓮一雙駢花並實合跗同莖生豫章鱧湖又六年雙蓮一蒂生東宮玄圃池

居官

尚書左丞袁璠啟領曹郎中荀萬秋每設專緣私遊肆其所之豈可復參列士林徧名天閣請免萬秋所居官

中書令

王言之職總司清要中將軍丹陽尹王景文夙尚弘簡情度淹粹忠規茂績實宣國道宜兼管内樞以重其任可中書令

白燕

元嘉元年七月有白燕集於齊郡遊翔庭宇經九月乃去衆燕翼隨有數千

以夫泉燕翼劉休幾干

天燕天平子日有白燕巢於齊濟燕巢致守登八月

白燕

共出百中書令

海濱與密林忠賦效餘實宜因茲宜兼管

王言人烟蘇同武要中錄軍丹烈天王

大業拾遺錄

杜寶

南海郡送都念子樹一百株敕付西苑十六院內植

此樹高一丈許葉如白楊枝柯長細花餘色葉正亦

似蜀葵而大其子小于柿子甘酸至美密漬為粽益

佳

需丈夫善耕婦人善織以五色絲稍內口中兩手引

而結之則成文錦丈人多力勤稼一日耨十餘頃之

地

大業拾遺錄

隋煬玉薤得胡人法造

灑河岸上亦有子胥廟每朝暮潮時灑河之水亦鼓怒而起至其廟前高一尺廣十餘丈食頃乃定與錢唐湖水相應

曲阿秦時名雲陽太史云東南有雲子氣在雲陽之間故鑿此崗令曲而阿因名

合浦徐聞縣多牛其項上有特骨大如覆斗日行三百里

隋煬諸郡進食用丸飢牙盤又有鏤金鳳蟹爲食品

第一

神
太

建康宮殿簿

唐 張著

神龍

太初宮中有神龍殿去縣三里左太冲吳都賦云抗
神龍之華殿施榮楯而捷獵是也

赤鳥

赤鳥殿在縣東北五里吳昭明宮內制度上應星宿
吳都賦云崇臨海之崔嵬飾赤鳥之曄曄是也

通天

建康宮殿簿

通天觀在舊臺城內宋元嘉中築二十三年更修廣
之造景陽樓人壯觀又立鳳光殿醴泉堂建業宮有
迎風觀

又

晉孝武帝講孝經於通天觀僕射謝安侍坐尚書陸
納侍講黃門侍郎謝石吏部侍郎袁宏執經丹陽尹
王緄續句論者榮之

商飈

商飈觀在東北十三里籬門亭後亭墩上齊武帝築

九日登以晏群臣

大日登以長壽日

山公啓事

晉 山濤

孫綝

中書屬通事令史孫綝限滿久習內事才宜殿中侍
御史須空補之不審可否詔曰可

張建

太康七年詔曰郎中張建忠篤履素爲江表士大夫
所稱宜在中朝其以建爲給事中

陳邵

山公啓事

陳邵字節良太始六年詔曰燕王師邵清貞廉潔博通六籍宜在左右以敦儒訓可給事中

羊祜

羊祜忠篤寬厚然不長理劇宗正卿缺不審可轉作否

劉儼

中庶子缺宜得俊茂者以濟陰太守劉儼陽城太守石崇參選不審可有合聖意者不

郗說

濤曰臣欲以郗說爲溫令詔可尋又啓曰訪聞說後母不時葬遂於所居屋後假葬有異同之議請更選之詔曰君爲管人倫之職此輩應爲清議與不便當裁處之

山濤再居選職十有餘年每一官缺輒啓擬數人詔旨有所向然後顯奏隨帝意所欲爲先故帝之所用或非舉首衆情不察以濤輕重任意或譖之於帝故帝手詔戒濤曰夫用人惟才不遺踈遠卑賤天下便化矣而濤行之自若一年之後衆情乃

寢濤所奏甄拔人物各爲題目時稱山公啓事

八王故事

闕名

夷甫容貌整麗妙于談玄恒捉白玉柄麈尾與手都無分別王戎云太尉神姿高徹如瑤林瓊樹自然是風塵外物王公曰太尉巖巖清峙壁立千仞王敦稱太尉處衆人中似珠玉在瓦石間

石勒見夷甫謂長史孔萇曰吾行天下多矣未嘗見如此人當可活不萇曰彼晉三公不爲我用勒曰雖然要不可加以鋒刃也夜使推墻殺之

八上故事
張方將移惠帝於長安入殿奉迎自領五千騎皆促
鐵匣槩二節髮耗繫兜鍪皆用涼州白鴉毛天子見
之大驚

太康七年正旦日蝕詔公卿大臣各上封事咎其安
在汝南王亮與司徒魏舒司空衛瓘上言三司之任
天地人也乾道不替故水旱爲災人倫失序故奸宄
不禁乃者荊州之城妖災仍興任城國都水流變赤
延三朝之始日有蝕之孟陽節過堅冰未消臣等瑣
才聽優高位可謂小人而乘君子之器宜就顯戮以
答天意謹免官徒跣上所假章綬天陰陽失序朕于
天道刑政失中之所致也其使冠履勿復道

天豈匪爽夫中文既延也其勢可與吟夏豈

谷天意豈與言卦起土既知章經天會與夫言謂于

陸機要覽

晉 陸機

列子御風常以立春歸乎八荒立秋遊乎風穴是風

至則草木發生去則搖落謂之離合風

昔羽山有神人焉逍遙于中岳與左元放共遊薊子

訓所坐欲起子訓應欲留之二日之中三雨今呼五

月三雨亦為留客雨

九花樹生南岳雖經雪凝寒花必開便落時人謂之

應春花

萬歲蟾蜍頭上有角領下有丹書重八字名曰肉芝
以五月五日取陰乾以其足畫地卽流冰帶之於身
能辟兵

東弓南矛西劔北戟北中鼓亦曰四兵

西陽山中有甘谷谷中皆菊花墮冰中居人飲之多
壽有及三百五十有餘歲者

千歲龜五色額上骨起如角巢於蓮葉之上或在叢
蒼之下

立夏日服六壬癸符或服玄冰丸飛霜

散暑不能侵

也

陳思有鵲尾杓植而長置之酒樽凡王侯勸者呼之
尾則指其人

桓譚新論

桓譚

太山之有石刻凡千八百餘處而可識知者七十有

二

漢中送王仲都時夏大暑使曝日坐又環以十爐火
不言熱而身不汗出

太原民以隆冬不火食五月雖有疾病急緩猶不敢
犯爲介子推故也

元帝時漢中遇道人王仲都能忍寒乃於盛寒日令

袒衣載以駟馬於昆明池上逸水而走御者厚衣狐
裘甚寒而仲都獨無憂也

世俗咸曰漢文帝躬儉約修道德以先天下天下化
之故致克實殷富澤加黎庶穀至石數十錢上下饒
羨

天下有鶴烏群國皆食之三輔俗獨不敢取之或厯
卽雷霹靂起原夫天不獨左彼而右此殺烏適雷

秦始皇見周室失統自以當保有九州見萬民碌碌
羈群羊聚諸皆可以竿而驅之故遂以敗也

董賢女弟爲昭儀居椒風舍後漢朱佑初學長安帝
往候之佑不時相勞苦而先升講舍後車駕幸其第
帝因笑曰主人得無捨我講舍乎以有舊恩數蒙賞
愛

余與劉子駿言養生無益其兄子伯三日天生殺人
藥必有生人藥也余曰鈎物不與人相宜故食則死
非爲殺人生也譬若巴豆毒魚磬石賊鼠桂害獺杏
核殺猪天非故爲作也

王翁時男子畢康殺其母詔焚燒其屍暴其罪於天

下余上章言宣帝時公卿朝會丞相語次日聞梟生
子長旦食其母果然有賢者應曰但聞烏子反哺耳
丞相大慙君子之于禽獸尚爲之諱况人乎
宓儀之制杵臼萬民以濟及後人加功因延方借身
重以踐確而利十倍杵舂又復設機關用驢騾牛馬
及役水而舂其力乃且百倍
扶風漆縣之邠亭部言本大王區處其民會日相與
夜市而不爲則有羞

譙周治訓

焉 譙周

古者茹毛飲血燧人初作燧火人始燔炙

善耕者足以謹地待時而動善射者調弓定準見可
而發君子善養其人足用

羊有跪乳之禮雞有識時之候鴈有庠序之儀人取
治焉

唐虞之衣裳文治禹稷之溝洫耕稼人至今被之
桀紂雖有天下之位而無一人之譽也猶朽木枯樹

言周法訓
逢風則仆也

王者居中國何也順天之和而同四方之統也

挽歌者高帝召田橫至鄉自斃從者不敢哭而不勝其哀故作此歌以寄哀音焉

男子幼娶必冠女子幼嫁必笄禮之則從成人不爲
婦

有一產二子者當以後生者爲兄言其先胎也愚謂此野人之鑿語耳君子不測暗安知胎之先後也

貧忍難爲惠苛煩難爲恭君子一于禮而已矣

何事之難爲

君子處陋巷之中奚樂也曰樂得其親樂得其友樂聖人之道也

裴啓語林

晉 裴啓

管寧嘗與華子魚少相親友共園中鋤菜見池有片
金揮鋤如故與瓦石無異華提 而擲去

魏伐蜀羅獻爲巴東太守吳聞蜀已敗遣盛獻等水
陸並到說獻以合同之計獻銜枚夜出擊破獻旋軍
保城告誓將士勵以節義莫不用命

荀顛年踰耳順而母年九十色養烝烝以孝聞當時
在喪顛頓貌不可識

大將軍丞相諸人在此時閉戶共爲謀身之計王曠
世弘來在戶外諸人不容之曠乃剔壁闚之曰天下
大亂諸君欲何所圖謀將欲告官遽而納之遂建江
左之策焉

劉寔詣石崇如廁見有絳文帳裯褥甚麗兩婢持錦
囊寔據退笑謂崇曰何誤入卿室崇曰寔則耳寔更
往向乃守廁婢所進囊是籌良久不得便行謂崇曰
貧士不得此廁乃如他廁

石崇廁常有十餘侍婢列皆佳麗藻飾置甲煎沉香
無不異備又與新衣客多不能着王敦爲將軍少年
旣脫故衣着新衣婢謂曰此客必能作賊世說王大
將軍敦敦初上主廁見漆箱中盛乾木以塞鼻王謂
上廁下果食遂至盡旣還婢擎金藻盤盛水琉璃椀
澡豆敦目廁著水中而飲之謂之乾飲羣婢掩口而
笑之

簡文爲撫軍時坐牀上生塵不聽左右拂去見鼠行
跡視以爲嘉有叅軍見鼠以手板格煞之撫軍謂曰
無乃不可

王藍田少有癡稱王丞相以地辟之既見無所他問問來時米價藍田不答直張目視王公王公云王掾不癡何以云痴

袁貞爲監運范玄平作吏部尚書大坐語袁卿此選還不失護軍袁曰卿何事人中作市井

宋岱爲青州刺史禁淫祀著神鬼論有一書生葛巾修刺詣岱曰君絕我輩血食二十餘年君有青牛髯奴所以未得相困耳奴已叛牛已死今日得相制矣

言絕而失明日岱死

和爲楊州從事且旦當朝未入停車州門外酒史周侯已醉着白袷憑兩人來詣丞相歷和車邊和先在車中覓虱色夷然不動周侯見和過去行數步復又還指顧心問曰此中何所有顧釋虱不視徐徐應曰此中最是難測也

自北中景景獲國也

又數計廉公問曰北中何如亦爾爾地不顯余余
公車中資屈色夷然不煙風對且味哉公許幾幾
周幾日漸春日命墨兩人來詣丞卧臥其其幾味
幾味幾幾幾幾幾幾幾幾幾幾幾幾幾幾幾幾幾

虞喜志材

晉 虞喜

吳時於江水中得鐘有百餘字募求讀者竟無人曉
建武二十四年南郡男子獻銅鼓有銘

東海之魚墜一鱗崑崙之木落一葉聖人皆能知之

此

孫休悅意於典籍欲舉覽百家之言大好射雉春夏
之閒常晨出夜還唯此時拾書

諸葛恪父瑾長面似驢孫權大會群臣使人牽一驢

虞事志林
入長檢其面題曰諸子瑜也恪對跪乞請筆益兩字
續其下曰之驢舉坐欣笑以驢賜恪

賀齊性奢侈尤好軍事兵甲器械極爲精好于櫓戈
矛鉞爪叉棍弓弩矢箭咸取上材

信安山有石室王質入其室見二童子方對棋看之
局未終視其所執伐薪斧柯已爛朽遽歸鄉里已非
矣

夷陵有陰陽石陰石常潤陽石常燥旱則鞭陰石必
雨久雨鞭陽石則止

王瓊自言我嗜酒肉好書善畫人有美酒珍食精紙
何所不可

王瓊遇鬼物言我見蔡邕作仙人飛去飛來甚快樂
也

李子長欲知囚情以梧桐爲人蘆葦爲牢當非木囚
不動或窺木囚乃奮

鍾繇問蔡邕筆法于韋誕誕惜不與乃自捉胸嘔血
曹操以五靈丹救活之及誕死繇令人盜其墓遂得
其法

廣壽志
洞庭湖神過客祈禱必驗分風送解

魏臺訪議

王肅

臘

帝問何用未社丑臘對曰王者各以其行盛日爲祖
衰日爲臘漢火德衰於戌故以戌日爲臘魏土也土
畏木丑之明日便寅寅木也故以丑臘土成於未故
以歲始未社也

寒熱

冬至陽動於下推陰而上之故寒於上夏至陰動於

下推陽而之上故大熱於上

律

後漢尺度稍長魏代杜夔亦制律呂以之候氣灰悉不飛凡律各有所攝引而申之至於六十相生者相變始黃鍾之管下生林鍾以陽生陰故變也相攝者相通如中呂之管攝於物應以母權子故相變者異時而各應相通者同月而繼應應有早晚者非正律氣乃子律相感寄母中應也

雨

永平京師少雨上御雲臺自爲卦以周易林占之其繇曰蟻封穴戶大雨將至上以問輔輔曰蹇艮下坎上艮爲山坎爲水山出雲爲雨蟻穴居知雨將至故以蟻興

魏春秋

晉 孫盛

黃初元年文帝愈崇宮殿雕飾觀閣取白石英及紫
石英五色大石於太行穀城之山起景陽山于芳林
園樹松竹草木捕禽獸以克其中于時百役繁興帝
躬自掘土率群臣三公以下莫不展力

文帝以素書所著典論及詩賦餽孫權又賜紙寫一
通與張昭

帝善彈碁能用手巾角時有一書生又能低頭以所

冠著葛巾角撒基

劉政投炳原曰窮鳥入懷炳原曰安知斯懷之可入
明帝時崔林嘗與司空陳羣共論冀川人士稱琰爲
首羣以智不存身貶之林曰大丈夫爲有邂逅耳卽
如卿諸人良足貴乎

王遇性質訥而好學與平中關中擾亂與兄季中依
將軍段煨采梠負販而常挾持經書投閑習讀其兄
笑之而遇不改

阮籍常率意獨駕不由徑路車跡所窮輒動哭而返

齊春秋

梁 吳均

王儉不好聲色未嘗遊宴衣裘服用自周而已

南齊時荊州城東天子井出錦于苻士女叔用與常
錦不異經月乃歇

劉璉字子敬耿介好禮嘗與故人共車於津陽內見
一女子容姿甚麗盼睐之璉因抽坐席懸車中以隔
絕之其正如此

晉安王子懋字雲昌武帝子也年七歲時母阮叔媛

常病危篤請僧行道有獻蓮花供佛者眾僧以銅罌
盛水花更鮮子懋流涕禮佛誓曰若使阿姨護祐願
華竟齋如故七日齋畢華更鮮紅看視罌中稍有根
鬚阮病尋差世稱其孝感

齊給事中皆隸習書省與諸散騎同掌侍從左右獻
給省諸文奏

東昏侯鑿金蓮花帖地令潘妃行其上曰此步步蓮
花也塗地皆以麝香

波斯國人皆以麝香如蘇塗鬚點額及於耳鼻用以
為敬

崔元祖父景真為平昌太守有惠政常懸一蒲鞭而
未嘗用

鬱林王好鬪雞密買雞至數千價

東昏侯在位置射雉場二百九十六處殿中帷帳及
步障皆矜以綠紅金銀鏤弩牙瑇瑁帖箭每出輒以
鷹犬隊主徐令孫媒翳隊主俞靈韻齊馬而走左右
爭逐之

江秘信行人衣敝虱多綿裹置壁上恐虱飢死乃置

衣中數日終身無復虱

卜彬為南康郡丞彬頗飲酒擯棄形骸仕既不遂乃

著蚤蟻虫蝦蟇等賦皆大有指斥

張堪好於齋前種松柏時人曰張堪屋下陳屍

豫章王於郊起山列種桐竹號為桐山武帝幸之置

酒為樂

樂預為永世令人懷其德卒官時有一蠶年可六七

十檐榭敕叶浩市貨之聞預卒大泣叶溪中曰夫樂

令我輩孤獨老姥故應就死爾市人皆泣其惠化如

此

周顒隱居鍾山衛將軍王儉謂顒曰卿山中何所食

顒曰赤米白鹽綠葵紫蓼文惠太子問顒菜食何味

最勝顒曰春初早韭秋末晚松

范雲常從文惠太子幸東田觀穫稻文惠顧謂雲曰

刈此甚快雲曰三時之務亦甚勤勞顒殿下知稼穡

之艱難無狗一朝之宴逸也文惠改容謝之

齊人渡江至玄武湖西北莫府山南我軍自覆舟東

移顒郊壇北與齊人對是時及食調市人餽軍皆是

齊春秋
交脣爲飯以荷葉裹而分給兵士皆困會文帝遣送
米三千石鴨千頭帝卽炊米煮鴨誓申一戰將士及
防身計糧數變人人裹飯媿以鴨肉帝命衆軍蓐食
攻之齊軍大潰

高帝時有獻白鳥帝問此何瑞范雲位卑最後答曰
臣聞王者敬宗廟則白鳥至時謁廟始畢帝曰卿言
是也感應之理一至此乎

會稽孔珪家起園列植桐柳多灌山泉始窮真趣衡
陽王鈞往遊之珪曰殿下處朱門遊紫園詎得與山
人交耶答曰身處朱門而情在江湖形入紫園而意
在青雲珪大美之

江革補國子生王融謝朓嘗行還過侯革時大寒雪
見革弊絮單席而耽學不倦嗟嘆久之

孔靈產爲光祿大夫覽止足之分不肯仕太祖以白
麾毛扇素几遺之曰以君有古人風故賜卿古人之
物也

劉琨字敬耿介好禮嘗與故人共車於津陽內見一
女子容質甚麗吟睎之琨因抽坐席懸車中以隔絕

之其正如此

丘靈鞠善屬文宋孝武殷貴妃亡靈鞠上挽歌詩云
雲橫廣陌闇霜深高殿寒帝摘句咨嗟賞之卽轉爲
新安王北平中郎中參軍

劉獻字珪沛人五歲聞舅孔昭先讀管寧傳欣然請
更讀因聽受日可及此耳

陽秋

晉合庾翼

太興中衡陽區純作鼠市四方丈餘開門門有一木
縱四五鼠於中欲出門木人輒以椎拒之
吳有葛衡字思直明達天官能於機巧作渾天使地
居中以機動之若天轉而地正以上應晷度
高貴鄉公神明爽儁德音宣朗景王曰上何如主也
鍾會對曰才同陳思武類太祖景王曰若如卿言社
稷之福也

有星赤而芒角自東北往西南没于諸葛亮營俄而亮卒

張華將死中台星遂折太元中復還合正太傅謝安為相所致也

袁宏字彥伯謝安賞其機捷精述自吏部郎出為東陽郡乃祖之於治亭將終皆集士宏卒迫試之執手將別顧左右取一扇置於宏前宏答曰當奉揚仁風慰彼黎庶合坐

丁卯葬高貴鄉公于洛陽西北三十里漣水之濱車數乘不設旌旒百姓相聚而觀之曰是前自所殺天子也或掩面而泣悲不自勝

續晉陽秋

晉 檀道鸞

咸陽王猛被緼袍而詣桓溫面談當時之事猛模虱而言傍若無人溫察而許之

襄陽羅友在桓溫府屢以貧乞祿溫以其誕肆許而不用同府人有得郡者溫爲坐別友亦被命至尤晚溫問之曰出門于中路遇見一鬼謂余曰見汝送人作郡不見人送汝作郡友始怖終慙不覺淹緩溫笑而用之

符堅未敗長安市鬼夜哭一月止

陶潛九月九日無酒於宅邊菊叢中摘盈把坐其側人望見白衣人乃王弘送酒卽便就酌而後歸王獻之爲中令獻之少而標邁不尋常貴爲一時風流之冠獻之卒以王珉爲中書令世謂之大王令小王令也

中書令王珉好捉白團扇其侍人謝芳歌之因以爲宣武與妻妾坐月下流星墜下銅盆水中光如二

寸珠顆然妾酌飲之生玄

魏詠之生而兔缺相者云後當貴年十八聞荊州殷仲堪帳下有術人能治之因西上仲堪與語令師者焉師曰可割補之但應百日食粥不語咲詠之曰半年不語亦當治之况百日也師爲治而差

何無忌母劉牢之姊無忌與宋高祖謀夜于屏風中製檄文母登屏風窺之大喜曰汝能如此吾讐得雪

矣

清河崔祖思死家無餘財有書八千卷上聞嗟嘆良

久乃以葛屯穀百五斛賜其家曰葛屯亦吾之垣下令後世知其見異

會稽太守謝琰拒孫恩恩帳下都督張猛于後斫馬琰墮地遂殺之高祖左里之捷生禽猛琰小子泚混剝肝生食之

黑時人謂之鉄色

晉中興書

晉 何法盛

騎從

王導謂王敦曰王仁德未著而名位憂輕兄名已振宜有以共相匡舉會三月三日中宗出禊乘肩輿導並騎從紀瞻使人覘之既聞敦導騎從乃大驚自出拜於道左中宗從容謂導曰卿吾之蕭何也

入宮酷寒

桓玄入建康宮逆風迅激旌旗不立法章儀飾一皆

傾偃是月酷寒

清暑

烈宗起清暑殿識者曰清暑反語楚聲也爲殿以酸楚之聲爲號非吉祥也頃烈宗崩桓玄自號楚

太極殿

孝武帝建太極殿郭璞筮云二百年此殿爲奴所壞後梁武帝毀之捨身爲奴

中興之冠

王恬字敬豫與濟陽江彩俱善奕棋爲中興第一

四達

晉穆帝升平二年二月詔曰伏飛督王饒忽上晉鴉鳥一口云以避惡此凶物豈宜妄進於是鞭饒二百使殿中御史孫雲焚其鳥于四達之衢

白鹿子

陶淡侃之孫雅好導養年十五六便服食絕穀於野得白鹿子馴而養之恒與之俱往還後遂不復還家

食蟄燕

中原喪亂鄉人遂共推郝鑒爲主與千餘家避難於

魯國嶧山有重險百姓饑饉野無生草掘野鼠蟄燕而食之

褻以席

王敦死褻以席塗以蠟埋齋中

奏彈夜警

譙王恬字元愉爲御史中丞值海西公廢太宗卽位未解嚴大司馬桓溫屯中堂夜吹警角恬奏勅溫大不敬請理罪明日溫見奏事歎曰此兒乃敢彈我真可畏也恬忠正有器局在朝憚之

清高不仕

高陽許詢字玄度丹陽許玄字遠遊並清高不仕詢有才藻能清言玄山居服食志求仙道遊會稽臨海山誓不歸家乃與婦書令改適後入刻深山莫知所止或以爲昇仙

巴豆杏子丸

程據爲太醫令武帝初受魏禪改元爲太始而據貢雉頭裘帝以奇伎異服典禮所禁焚之于殿前據以醫術承恩出入禁闈因爲賈后合巴豆杏子丸害愍

懷太子遂就戮焉

宋拾遺錄

晉謝紇

王華王曇首殷景仁劉湛四人宴飲從朝至夕帝甚
歡華既出太祖目送之歎曰此四賢一時之秀同管
喉脣恐後世難繼矣

張永開玄武湖古塚上得一銅斗有柄太祖訪之朝
士何承天曰此是新威斗王莽王公亡皆賜之物一
在塚內一在塚外

栢溫葬姑熟之青山平墳不為封域於墓傍開隧二

碑故謬其處令後代人不知所在

臣昔貧賤時嘗疾病家人爲臣齋勤苦七日臣晝夜
夢見一童子青衣持縑廣數寸與臣臣問之用此何
爲荅曰西王母符也汝可服之服竟便覺一二日病
差

戴明寶歷朝寵倖家累千金大兒嬌滛爲五色珠簾
明寶不能禁

董偃常卧延清之室畫石爲床石文如畫體甚輕出
邠克國上設紫瑠璃帳火齊屏風

蘇秦張儀二人假食于路剝樹皮爲囊以盛天下良
書

帝解鳴鴻刀賜東方朔朔曰此刀黃帝時採首陽之
金鑄爲此刀雄者已飛雌者獨在

沐胥國人左耳中出青龍右耳中出白虎龍虎初出
之時如繩緣頰手將面而龍虎皆飛去地十餘丈而
雲氣繞龍風來吹虎俄而以手指揮其龍虎皆還入
耳

會稽典錄
崇殷周之德飲宴獨歡百姓枯瘁神祇有靈必不享也百姓不足君孰與足宜當還縣香卽罷會身捐俸祿以贍民飢

女子曹娥者會稽上虞人父能絃歌爲巫漢安帝二年五月五日於縣江泝濤迎波神溺死不得尸骸娥年十四乃緣江號哭晝夜不絕聲七日遂投江而死盛吉爲廷尉每至冬月罪囚當斷其妻執燭吉持丹筆相向垂泣

嚴遵字子陵建武五年詔召遵設樂陽明殿命宴會暮畱宿其夜客星犯天子宿

卓恕字公行上虞人也與人相期約雖遭暴風疾雨無不至者常從建業辭太傅諸葛恪恪問何當復來恕答曰某日當復親覲至是日恪停食侯恕至時賓客會者皆以會稽建業相去千餘里道隔江湖豈得須臾恕至一坐盡驚

鄭弘守楊羨縣民有弟用兄錢者爲嫂所責未還之嫂詣弘弘爲叔還錢兄聞之慙愧自繫於獄遂遣婦齋錢還弘弘不受也

盛吉字君達爲廷尉性多哀憐其妻謂吉日君爲天下執法不可使一人濫罪殃及子孫其囚無後嗣者令其妻妾得入使有遺類視事十二年天下稱有恩也

謝承遷吳郡督郵歲穰嘉禾六穗生於部屬

陳瑞字文象爲縣卒瑞謙恭敬讓行性謹敬及其居二千石九卿位少年童豎拜者皆止朝服與之抗禮若疾病不能答拜輒拊頰以謝之

徐弘字聖通爲山陰縣令俗剛強大姓兼并弘到官誅剪姦桀豪右欽手商旅路宿道不拾遺童歌之曰徐聖通政無雙平刑罰姦宄空

餘聖豈無雙平既謂漢代空
精更愈榮舉古必平前漢後漢皆不合豈童理之曰

三國典略

晉 魚豢

奉命通直散騎常侍辛德源聘於陳陳遣主客蔡佞
宴歸因談譁手弄棋榔乃曰頃聞北間有人爲噉棋
榔獲罪人間遂禁此物定爾不德源答曰此是天保
初王尚書罪狀故耳猶如李固被責云胡粉飾貌搔
頭弄姿不聞漢世頓禁胡粉

周命尉遲迥伐蜀帥甲士一萬二千騎萬匹自散關
由故道而入太祖送彭城西見一走兔命弟中領軍

綱射之綱誓曰若獲此兔必當破蜀俄而獲兔太祖
喜曰事平之日賞汝佳口及尅蜀乃賜侍婢一人
渤海王高歡攻鄴時瑞物無歲不有令史焚連理木
煮白雉而食之

吝蕭愨爲太子洗馬愨字仁祖帝患腰痛眩不堪馳
馬齊主令乘驢以見者笑之

甘寧字興霸巴郡臨江人也招合輕薄少年爲之渠
帥群聚相隨挾持弓弩負牝帶鈴民聞其聲卽知是
寧也

孫權拜諸葛恪丹陽太守授棨戟武騎作鼓吹導引
歸

周陸逞字季明嘗爲宜州刺史故事刺史奉辭例備
鹵簿逞以時屬農要表請停之制曰逞雖未臨
存優卹宜遂所請彰其推操

陳桃根於所部得青牛獻之又上織成錦被表二陳
主命於雲龍門外焚之其牛遣還於人又曰梁出師
拒侯景郡陵王綸次鍾離初綸將發營遊苑臨賀王
正德詣於綸所始入牙門有飄風解旗折至是故殺

牛勞士一牛走入馬廐牴殺綸所乘服以兩角貫馬腹載之而行衝突營幕軍中驚亂

周天和元年夏齊冀州人於蚌蛤中得瑤環一隻徐之才遷預章王宗國常侍隨綜入北有人患足腫痛諸醫咸莫能識之才視之曰蛤精疾也得疾時嘗乘船入海垂脚入水中乎疾者曰實曾如此之才爲剖之得蛤子二大如榆莢

梁劉慤常有飛書謗毀梁王怒曰劉慤似衣巾須稻之

梁元初甘露降荊州皂莢樹

齊斛律光之入寇也周將韋孝寬忌之孝寬參軍曲巖頗知卜筮謂孝寬曰末年東朝必大相殺孝寬陰令巖作謠言曰百斛飛上天明月耀長安又曰高山不推自崩柵樹不扶自堅乃間諜遺其文于鄴中齊人用是而殺斛律光明月光字也

初陳文章以湘州出杉柵乃營造大艦金翅等二百許艘并諸水戰之具

後梁有何山者其射之妙人莫能及有鳥巢于庭樹

蕭登惡之謂山曰射中賜一車穀其鳥雛並於枝上
山曰脫一箭中兩請賜兩車臣無車牛願官爲送登
許之於是射山中其二項登甚欣悅卽令載穀送之
高德衆正相齊未誅之前家有赤鴨群行於庭犬來
逐遂成碎血

徐陵子份陵嘗遇疾甚篤份燒香泣涕跪誦孝經晝
夜不息如此者三陵疾忽然而愈

梁孝元字世識初年五歲梁武問曰讀何書對曰能
與禮梁武曰汝試言之孝元卽誦上篇左右莫不驚
及長精神爽雋

鄭基字世業中山新市人魯郡太守智之孫也泛涉
墳籍清慎無所營求嘗語人曰任官之所木枕亦不
須作况重於此乎唯頗令人寫書契子孟魯之書
曰在官寫書亦是風流罪過基答曰觀過知仁斯亦
可矣

建康實錄

闕名

得魚作膾

吳介象字元則與吳王論膾何者最美象曰海中
魚為上請於殿前作方坎汲水滿之象垂綸於坎中
食頃得鮒魚作膾

署紙尾

宋廢帝時以蔡廓為吏部尚書錄尚書徐羨之謂中
書令傅亮曰黃門已下悉委蔡吾徒不復歷懷自此

建康實錄 卷之七
已上故宜共參同異廓聞之曰我不能爲徐羨之署
紙尾也遂辭不拜

行火

元帝渡江隋帝有王離妻季氏者洛陽人將洛陽舊
火南渡自言受道於祖母王氏傳此火并有遺書二
十七卷臨終使行此火勿令斷絕火色甚赤異於餘
火有靈驗四方病者將此火煮藥及灸諸病皆愈轉
相妖惑官司禁不能止及季氏卒火亦經時而滅入
泥其所居爲聖火巷

飛霜

貞觀二十年七月宴五品已上於飛霜殿絲竹遞奏
群臣上壽賜綾錦殿在元武門北因地形高敞層閣
三成引水爲潔淥池以滌炎暑

紫微

貞觀二十一年七月帝遊幸勅奉御王孝積於顯道
門內起紫微殿十三間文甕重基高敞宏壯帝見之
甚悅

冰醴

陳后主禎明二年初覆舟山及松栢林冬月出木醴
后主以為甘露之瑞俗呼為雀餒

三輔決錄

晉趙岐

求拜

平陵孟他盡以家財賂張讓監奴奴慙問所欲他曰
欲得卿曹拜時賓客求見讓在車常數百乘累日不
得通他後至諸奴迎拜徑將他車獨入眾謂他與讓
善爭以物賂他他得以賂讓

婢

金禕為郡上計畱在許都時魏武使長史伍必將兵

三輔史錄
衛天子於許都禕與必善必見禕有婢善射必嘗請之從後也

覆被

馮豹爲尚書郎每奏事未報常伏省闕下或自昏至明天子默使人持被覆之

不炊

第五頡字子陵爲諫議大夫洛陽無主人鄉里無田宅寄止靈臺中或十日不炊

飲馬

安陵道者有次仲仙飲馬渭水每投三錢

從貸

平陵公孫奮富聞京師梁冀知奮儉恣以一鏤衛鞍遺奮從貸五千萬

逃名

蔣詡字元卿舍中三徑唯羊仲求仲從之游二仲皆推廉逃名

自隨

楚遊上表乞宿衛拜射馬都尉楚無學好遨遊音樂

及畜歌者琵琶箏笛每行將以自隨

瘦貴

張氏得鈎何氏得筭故三輔舊語曰何氏筭張氏鈎何氏肥張氏瘦言何氏有肥人輒貴瘦人輒賤張氏瘦者輒貴肥者輒賤故二族以鈎筭知凶吉以肥瘦知貴賤

瘠土所出

弭生字仲叔其父賤故張伯英與李幼才書弭仲叔高德美名命世之才也非弭氏小族所當有新豐瘠

土所當出也

謝射

漢末大鴻臚射咸本姓謝名服天子命爲將軍出征以姓謝名服不祥改爲射氏名咸

白鹿甚馴

辛繕字公文少治春秋詩易隱居弘農華陰弟子受業者六百餘人所居旁有白鹿甚馴不畏人

左伯

韋誕奏蔡邕自矜能書兼明斯喜之法非得純素不

妄下筆工欲善其事必先利其器用張芝筆左伯通
及臣墨皆古法兼此三具又得臣手然後可以盡徑
丈之勢方寸之言

自稱不堪

韋約字季明司徒劉愷甚敬重之謂曰君以輕於去
就大位不躋今歲垂盡選御史實欲煩君約曰大馬
盡既無膂力又無考課所以躊躇戀慕者以明
禮遇隆崇未能自割因稱素有風疾眩冒不堪
遂徒跣趨出公追不及

寺正

茂蔭何比于漢式時丞相公孫弘舉爲廷尉右
無冤民號曰何公

陸翽

錦有大登高小登高大明光小明光大博山小博山

大茱萸小茱萸大交龍小交龍蒲桃文錦班文錦鳳

皇朱雀錦韜文錦桃核文錦或青縹或白縹或黃縹

或綠縹或紫縹或蜀縹工巧百數不可盡名也

石季龍作雲母五明金薄莫難扇薄打純金如蟬翼
二面采漆畫列仙奇鳥異獸其五明方半辟方三寸
或五寸隨扇大小雲母結其中細縷縫其際雖掩畫

而彩色明澈看之如金可取故名莫難也李龍出時以扇挾乘輿

織錦羅在中尚坊三署皆數百人有班文錦

華林園有春李冬華春熟

石季龍左右直衛萬人皆著五色細鎧光耀奪目

二銅駝如馬形長一丈高一丈足如牛尾長三尺脊

如馬鞍在中陽門外夾道相向

石虎皇后出女騎千人皆着五采靴

趙王虎建武六年造梁馬臺在城西漳水之南約次

爲臺虎常於此臺簡練騎卒虎牙宿衛蛇雲騰黑狗

騎五千人每月朔晦閱馬于此臺乃于漳水之南張

幟鳴鼓列騎星羅虎乃登臺射箭筈一發五千騎一

時奔走從漳水之南齊走至于臺下隊督以已皆班

賚虎又射一箭騎五千又齊走于漳水之北其五千

流散攢促若數萬人皆騎以漆稍從事故以黑稍爲

號季龍又常以女弟一千人爲鹵簿皆着紫綸巾熟

錦袴金銀縷帶五文織成靴遊臺上

石虎苑中有安石榴子大如椀蓋其味不酸

石虎作沉蘇帳頂安金蓮花花中縣金薄織成統囊
裹受三升以盛香注帳之四面上十二香囊采色亦
同。

解飛者石虎時工人作旃檀車左轂上置碓右轂上
置碓每行十里磨麥一石舂米一斛

石虎有華林園種衆果民間有名果虎作蝦蟇車四
搏掘根面去一丈深一丈合土載之植之無不生

石虎有西王母棗冬夏有葉九月生花十二月乃成

一尺又有羊角棗亦生三子一尺

如馬鞍在中陽門外大道相向

如馬鞍在中陽門外大道相向

春季虎大饗群臣于太武殿佛圖澄曰殿乎殿乎棘

乎成林將壞人衣龍殿右有棘生

虎以五月發五百里內萬人營華林苑至八月天暴

雨雪雪深三尺作者凍死數千人太史奏作役非時

天降此變虎誅起戶部尚書以塞天災

有春車作木人反行碓于車上動則木人踏碓春行

十里成米一斛

石虎冬月施熟錦流蘇斗帳四角安純金龍頭銜五色流蘇或用黃地博山文錦或有紫綈及小明光文

錦

石虎中尚方御府中巧工作錦織成署皆數百人有

青綈或白綈或緋綈或黃綈或綠綈或紫綈

石虎御府刻有巴頭文刻鹿子刻花刻

石虎皇后出女騎一千冬月皆着紫綸巾

石虎會上御食遊槃兩重皆金銀參帶百二十酸彫

節並同其參帶之間菜菓盡微如破髮近看乃得見

動遊槃則圓轉也

石虎以胡粉和椒塗壁曰椒房

石虎御床辟方三丈其餘床皆局脚高下六尺後宮

別院中有小形玉床又有轉開床射鳥獸

石虎作席以錦雜以五香施以五彩縋編蒲皮緣之

錦

石虎作金銀鈕屈膝屏風衣以白縋畫義士仙人禽

獸之像讚者皆三十二言高施則八尺下施四尺或

施六尺隨意所欲也

石虎冬月爲複帳四角安純金銀鑿鏤香爐

石虎太武殿西有崑華殿閣上輒開大窓皆施以絳紗幪

石虎御床辟方丈冬月施熟錦流蘇手帳四角安純金龍頭御五色流蘇或用青縹光錦或用緋縹登高文錦或用紫縹大小錦絲以房子錦百二十斤白縹理各爲裏複帳四角安純金銀鑿金香爐以石黑燒藥和名香帳頂上安金蓮花中懸金薄織成椀囊春

縹或紫縹文爲單帳

石虎皇后女騎馭中着金環參鏤帶

石虎臨軒大會着碧紗袍

石虎時着金縷合歡袴

石虎詔書以五色紙着鳳雛口中

石虎正會置三十步鼓吹三十步輒置一部十二人皆在乎閣上去地丈餘又有女鼓吹

石虎大會禮樂旣陳虎繳兩閣上窓幌宮人數千陪列看坐悉服飾金銀熠熠又于閣上作女妓數百衣

業計言
皆絡以珠璣鼓舞連到琴瑟細妓畢備

吳錄

晉 張勃

朱桓還屯保權自出祖送桓奉觴觴曰臣當遠去願
一得陛鬚無所復恨權憑几前席進前斬鬚曰臣今
真可謂捋虎須也

步騭表於孫權曰北降人王潛等說北和部位圖以
東向多作布囊欲以盛沙塞江以大向荊州權曰曹
衰弱何能以圖必不敢來若不如孤言當以牛千頭
爲君作主人後有呂範諸恪爲說騭所言某每懷步

騰輒大咲此江與開關俱往寧有可沙囊塞埋乎

吳範字文則三國孫權時拜騎都尉素與魏騰同邑

相善騰嘗有罪孫權責怒甚嚴令敢有諫者死範謂

騰曰與子偕死騰曰死而無益何用死為範曰安能

坐觀汝耶乃髡頭自縛詣門使鈴下以聞鈴下曰死

不敢白範曰汝有子耶曰有曰使汝為吳範死子以

屬我鈴下乃排闥入言未卒權大怒欲投以戟遂逡

走出範因突入叩頭流血言與涕並良久權意乃釋

免騰騰見範謝曰父母能生長我不能免我於死文

夫相知如汝足矣何用多為

劉備曾使諸葛亮至京因觀秣陵山阜乃嘆曰鍾山

龍盤石頭虎踞帝王之宅也

五湖者太湖之別名周行五百餘里故以名焉

初漢黃門張讓等劫天子北至河上掌璽投井中及

平頓洛陽城南甄宮有井五色氣出孫堅命浚井得

漢傳國璽

長城若下酒有若溪南曰上若北曰下若並有村村

人取若下水以釀酒醇美勝雲陽

宜春泉水地道記曰宜春縣出美酒隨歲貢上

松梁山山石間開處容數十丈其高似弩射之不及

其上

端溪有端山山有五色石石上多香水

居風縣有蠨絮藤人視土中知有蠨因墾發以木皮

插其上則蟻出緣而生漆

丁固為司徒初為尚書夢松樹生其腹上謂人曰松

字十八公也後十八年吾當為公乎遂如夢焉

紀騭字子上景皇時騭父亮為尚書令騭為中書令

芻朝會詔以屏風隔其坐

魏文帝遣使求長鳴短鳴鷄群臣以非禮砍不與孫

權勅付之

